

## Evening Dogri (NSD) Bulletin 29-03-2025

### आकाशवाणी

खास-खास खबरां .....

1. म्यांमार गी राहत समेयान भेजने आस्तै भारत नै रंभेआ आप्रेशन ब्रहमा।
2. विनाशकारी भूंचाल मगरा प्रधानमंत्री मोदी होरें म्यांमार दे वरिष्ठ जनरल हुंदे कन्ने फोन पर गल्लबात कीती।
3. राष्ट्रपति मुर्मू होरें पर्यावरण संरक्षण आस्तै किट्ठे रलियै जतन करने दा आह्वान कीता।
4. छत्तीसगढ़ दे सुकना जिले च सुरखाबलें कन्नै टाकरे च 17 माओवादी मारे गे।
5. प्रधानमंत्री नरेन्द्र मोदी होर कल अपने मन की बात कार्यक्रम राएं देश विदेश दे लोकें कन्नै बचार सांझा करगंन।
6. आईपील 2025 क्रिकेट च अज्ज संजा गुतरात टाइट्सं दा मकाबला मुंबई इंडियन्स कन्नै अहमदाबाद दे नरेन्द्र मोदी स्टेडियम च संजा साढ़े 7 बजे शुरू होग

<><><><><><>

### Relief Myiamaar

भारत नै भूंचाल प्रीावत म्यांमार तोड़ी राहज समेयान पजाने आस्तै आप्रेशन ब्रहमा शुरू कीता ऐं पिदेश मंत्रालय दे प्रवक्ता रंधीर जयसवाल होरें जानकारी दित्ती ऐ जे राहत सामग्री दी पैहली खेप येंगान दे मुखमंत्री होरें गी भारतीय राजदूत हुंदी तरफा सोंपी दित्ती गई ऐ। भूंचाल दी चपेट च आए दे म्यांमार आस्तै भारत आप्रेशन भ्रमा दे तैहत 2 होर भारती वायु सेना दे जहाज भेजने लेई लैस ऐ जेहृदे च राहत समेयान भेजेआ जाग। विदेशी मंत्रालय दे मताबक एह जहाज हिंडिन हवाई अड्डे थमां तौले डोआरी भरगंन। इक भारती वायु सेना दा जहाज सी-130जे 15 टन दा तुरत राहत ते मदाद सरबंधी समेयान लेइयै पैहले गै जेंगान पुज्जी गेआ ऐ। इक सोशल मीडिया पोस्ट च विदेश मंत्री डॉ. एस.जयशंकर होरें आखेआ जे तुपाई-बचाह द लते इक डाक्टरे दा दल बी भजेआ जा'रदा ऐ। म्यांमार च भारती दूतावास बी भारती समुदाय दे संपर्क च न। कल दपैहरी म्यांमार ते थाईलैंड च 7.7 तीव्रता कन्नै आए दे भूंचाल मगरा भारत दे म्यांमार गी मदाद आस्तै आप्रेशन भहमा दी शुरूआत कीती।

<><><><><><>

## PM

प्रधानमंत्री नरेन्द्र मोदी होरें म्यांमार दे वरिष्ठ जनरल हुंदे कन्नै विनाशकारी भूचाल दे बारे फोन च गल्ल कीती। इक सोशल मीडिया पोस्ट च मोदी होरें आखेआ जे उनें आपदा च होए दे जानी नुक्सान पर अपनी संवदेना व्यक्त कीती। उनें आचोआ जे नेड़मे दोस्त ते खाड़ी होने दे नाते भारत इस मुश्कल समें च म्यांमार दे लोकें कन्नै खड़ोते दा ऐ। प्रधानमंत्री होरें दस्सेआ जे आपदा राहत समेयान, तुपाई ते बचाह् दलें आप्रेशन ब्रहमा दे तैह्त प्रभावत क्षेत्रें च तौले गे भेजे जंदे न।

<><><><><><>

## President

राष्ट्रपति द्रौपदी मुर्मू होरें आखेआ जे पर्यावरण ददा बचाह् ते संभाल सिर्फ सारें दे जागरूक होने ते किट्ठे रलियै कोशश करने कन्नै मुमकिन ऐ। राष्ट्रपति होरें एह् गल्ल अज्ज नमीं दिल्ली दे विज्ञान भवन च पर्यावरण राश्ट्री सम्मेलन-2025 दा शुभारंभ करदे होई आक्खी। 2 रोजा एह् सम्मेलन नैशन ग्रीन ट्रिब्यूनल आस्सेआ आयोजित कीता गेआ ऐ। मुमू होरें आखेआ जे एह् राश्ट्री नैतिक जिम्मेदारी ऐ ते अस औने आली पीढ़िएं गी साफ सुथरा पर्यावरण उपलब्ध कराना ऐ। उनें पर्यावरण संरक्षण गी ध्यान च रखदे होई कम्म करने ते जीवनशैली अपनाने आस्तै आखेआ तां जे पर्यावरण दी संभाल होई सकै।

<><><><><><>

## Chattisgarh

अज्ज छत्तीसगढ़ दे बस्तर च सुकना जिले च सुरक्षाबलें कन्नै इक मुठभेड़ च 17 माओवादी मारे गे न। जिला रिजर्व गार्ड डीआरजी दे 2 जवान बी इस दरान घायल होए। सुरक्षा बलें गी जिले दे केरलापल च माओवादिएं दे होने दी खुफिया जानकारी थहोई ही, जेह्दे मगरा सीआरपीएफ ते डीआरजी दी टीमें बक्ख-बक्ख विरोधी अभियानरंभेआ। बडलै थमां गै माओवादिएं ते सुरक्षाबलें बश्कार स्की सकिये गोलीबारी होआ'रदी ही। सुरक्षाबलें मारे गेदे माओवादिएं दी लोथें दी बड़डी तादात च थेआर ते असला बरामद कीता। छड़े पिछले 10एं दिनें च गै 50 माओवादी मारे गेदे न।

<><><><><><>

## Navratra Security

कल्लै थमां शुरु होआ करदे चैत्तर नरातें ते कन्नै ईद दे ध्यार दे मददेनजर रामबन जिले च सुरक्षा बंदोबस्त निग्गर करी दित्ते गे न। ध्यानजोग ऐ जे कठुआ जिले च मुश्तबा पाकिस्तानी आतंकवादिणं कन्नै जारी टाक्करे दे बाद सुरक्षा सरबंधी हीलें होर बी मते जरूरी होई गेदे न। ईद-उल-फितर दे ध्यार ते चैत्तर नरातें दे पर्व लेई कीते गेदे सुरक्षा बंदोबस्तें बारै गल्ल करदे होई रामबन दे एसएसपी कुलबीर सिंह होरें गलाया जे कल्लै थमां नरातें दा पर्व शुरु होआ करदा ऐ ते कन्नै ईद दा ध्यार बी मनाया जाहग जेह्दे मददेनजर एहतियातन सुरक्षा बंदोबस्त निग्गर करी दित्ते गे न।

<><><><><><><><>

## JK Statehood – Shah (byte)

केन्द्री गृह मंत्री अमित शाह होरें आखेआ ऐ जे जम्मू-कश्मीर दा राज्य दा दर्जा, पैहले कीते गेदे वायदे मूजब पक्क गै ब्हाल करी दित्ता जाहग। इस सरबंधै च कोई समें-सीमा दा जिक्र कीते बिजन श्री शाह होरें आखेआ जे पिच्छले ब'रे जम्मू-कश्मीर च असैम्बली दे चुनांऽ पूरी रमानदारी कन्नै करोआए गे। ध्यानजोग ऐ जे 2019 च जिसलै दफा 370 हटाई गेई ही ते पैहलकी जम्मू-कश्मीर रिआसत गी द'ऊं केन्द्र शासित प्रदेशें च तकसीम कीता गेआ हा, उसलै संसद च अपने भाषणै दरान गृह मंत्री होरें आखेआ जे उचित समें औने पर जम्मू-कश्मीर दा राज्य दा दर्जा पक्क गै ब्हाल करी दित्ता जाहग।

<><><><><><><><>

## Tributes

मुख्यमंत्री ओमर अब्दुल्ला होरें कठुआ जिले च पाकिस्तानी आतंकवादिणं कन्नै छिड़े दे टाक्करे दरान शहीद होए दे 4 पुलसकर्मिणं चा इक दे अज्ज जम्मू च लोआए गेदे श्रद्धांजलि समारोह च हिस्सा लैता। गुलशन ग्राउंड जम्मू च स्थित पुलस हैडक्वार्टर च साफीयान पुलस चौकी दे प्रभारी ते हैडकांस्टेबल जगबीर सिंह हुंदे श्रद्धांजलि कार्यक्रमै दी अगुवाई मुख्यमंत्री ओमर अब्दुल्ला होरें कीती। इस मौके उप्पर उपमुख्यमंत्री सुरिंदर चौधरी, मंत्री सतीश शर्मा, जम्मू-कश्मीर पुलसा दे डरैक्टर जनरल नलिन प्रभात ते पुलस ते सिविल प्रशासन दे बड्डे अधिकारिणं सने फौज, सीआरपीएफ ते बीएसएफ दे ऐहलकार बी मजूद हे जि'नें शहीद पुलसकर्मी गी श्रद्धांजलि अर्पित कीती। तोआई कठुआ टाक्करे च शहीद होए दे रियासी जिले दे सलैक्शन ग्रेड कांस्टेबल तारिक अहमद हुंदा खीरी संस्कार अज्ज पूरे सम्मान कन्नै कटरा दे नेड़े उंदे जद्दी ग्रांऽ चम्बा च कीता गेआ। तारिक अहमद होरें कठुआ जिले च टाक्करे दरान कल देसै लेई सर्वोच्च बलिदान दित्ता हा। उंदे खीरी संस्कार च सांसद जुगल किशोर

शर्मा, श्री माता वैष्णो देवी हलके थमां विधायक बलदेव राज शर्मा, उधमपुर-रियासी रेंज दे डीआईजी रईस मोहम्मद भट्ट ते होर दुए वरिष्ठ अधिकारिएं, साथिएं ते परोआर दे सदस्यें हिस्सा लैता।

<><><><><><>

## PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” च इस बारी 30 मार्च कल गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किशत होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

## HM

केन्द्री गृहमंत्री अमित शाह होरें आखेआ ऐ जे छत्तीसगढ़ दे सुकना जिले च सुरक्षाबलें 17 माओवादिएं गी मारी मकाया ऐ। इक सोशल मीडिया पोस्ट च अमित शाह होरें आखेआ ते स्वचलित थेआरें दा बड्डा जखीरा बी बरामद कीता गेआ ऐ। उनें आखेआ जे प्रधानमंत्री नरेन्द्र मोदी हुंदे नेतृत्व च सरकार 31 मार्च 2026 कपोला पैहले नक्कसलवाद खत्म करने आस्तै प्रतिबद्ध ऐ। श्री शाह होरें अपील कीती ऐ जे थेआर ते हिंसा च कोई बदलाव नेई आन्नी सकदेबदलाव छड़ा शांति ते विकास आननी सकदे न।

<><><><><><>

## IPL

आईपीएल क्रिकेट च चेन्नई च कल रातीं खेड्डे गेदे इक मैच रॉयल चैलेंजर्स बैंगलुरु नै चेन्नई सुपर किंग्स गी 50 रंजें कन्नै हराई दित्ता। पैह्ले बल्लेबाजी करदे होई आरसीबी दी टीम नै 7एं विकटें दे नुक्सान पर 196 रंज बनाए जेह्दे परते च चेन्नई दी टीम 20एं ओवरें च 8 विकटां मोहाइयै 146 रंज गै बनाई सकी। अज्ज संजा अहमदाबाद दे नरेन्द्र मोदी स्टेडियम च संजा साढे 7 बजे गुजरात टाइटंस दा मकाबला मुंबइ इंडियन्स कन्नै होग।

<><><><><><>